

四庫全書

史部

欽定四庫全書

史部

欽定續文獻通考卷一百八十三至一百八十八

給事中^臣劉芬覆勘

總校官內閣中書^臣孫溶

欽定四庫全書

欽定續文獻通考卷一百八十三

經籍考

子

兵家

宋史藝文志兵書類三百四十七部一千九百五十六卷

遼金元三史不立藝文志散見各紀傳中

明史藝文志兵書類五十八部一千一百二十二卷

宋

將鑑論斷十卷

舊題戴少望撰

臣等謹案宋沈光作戴溪春秋傳序稱其字曰少

望則此書當為溪作然溪以孝宗淳熙五年登第
寧宗開禧中尚官資善堂說書而此書自序題紹
興辛酉為高宗十一年下距登科之歲已三十八
年更六十五年而為開禧年代相隔太遠疑別一

人其名偶與溪之字同也是書採輯古來善用兵者始
於孫武終於郭崇韜凡九十三人每人之下皆以
一語標目評其得失大抵多為南渡時事而發此
本為宋麻沙版明武定侯郭勛重刊之本前有正
德十年達賓序題曰將鑑博議與宋版不同

許洞虎鈴經一卷

洞字淵夫吳興人咸平進士官雄武軍推官免歸尋
召試中書改烏江縣簿

臣等謹案是書卷首有洞進表及自序共二百十篇大都彙集前人之說而參以己意惟第九卷所載飛鷄長虹重覆八卦四陣及飛轅寨諸圖為洞自創耳

李舜臣江東十鑑一卷

舜臣字子思井研人乾道進士官成都府教授擢宗正寺主簿

臣等謹案是編蒐輯江東戰勝之迹上起三國下

至六朝共得十事皆先叙其事次加論斷大旨為
高宗南渡偏據一隅而發明姚廣孝等編輯永樂
大典特錄是書又復遷就其說不知明太祖之得
天下實起于江北與漢高祖畧同成祖篡立終于
北遷則金陵之不為勝地明矣恭讀

皇上御題綜括南北之大勢洞燭往古之得失用以闡
舜臣之虛談揭廣孝之私意經緯天地

睿鑒高深實足為萬古定評非尋常管蠡之見所能窺

測也永樂大典本有地圖別本無之

美芹十論一卷

舊題辛棄疾撰棄疾字幼安歷城人官至龍圖閣待
制進樞密都承旨卒謚忠敏

臣等謹案是書皆論恢復之計卷末又載疏四篇
則後人所附入也然史不言棄疾有是書考江西
統志載臨川黃兌字悅道紹興進士官至朝議大
夫嘗獻美芹十策進取四論此或兌書而後人訛

為棄疾歟

李道傳江東十考一卷

道傳字貫之舜臣子也官至太常博士知果州謚文節事迹具宋史儒林傳

臣等謹案是書前有自序大旨考六朝備具之實而補其父舜臣十鑑所未盡然皆儒生坐談之見也

南北十論一卷

題許學士撰不著其名

臣等謹案十論僅存其八曰吳曰蜀曰東晉曰宋
曰齊曰梁曰陳曰元魏大約為諷南渡君臣而發
張預百將傳一百卷

預字公立東光人

臣等謹案是編有翟安道註安道字居仁安陽人
其書采歷代名將百人始于周太公終於五代劉詞
各為之傳而綜論其行事凡有一節與孫武書合

者皆表而出之別以孫子兵法題其後蓋欲述古
以規時亦戴少望將鑑論斷之類

明

劉寅三畧直解三卷

寅始末未詳據太學題名洪武辛亥有崞縣劉寅蓋
即其人

龍正八陣變合圖說

無卷
數

正武都人

臣等謹案正德中萊陽藍章巡撫四川駐兵漢中遣人至魚復江圖八陣壘石正時在章幕中遂推演為圖說刊于蜀中

王瓊北邊事蹟一卷 西番事蹟一卷

瓊見史類

臣等謹案瓊在嘉靖初總督三邊軍務因集歷代守邊得失及所條畫奏疏合為一書西番事蹟一卷其出討土魯番所作前有王九思序稱關中士

大夫作為詩歌以紀其盛題曰元老靖邊屬九思
序而書中實無詩歌疑刊書者誤取他序以冠此
冊也

曹允儒輯握機經三卷 握機緯十五卷

允儒字魯川太倉人

臣等謹案是書首載風后古文一十九字次載太
公望增衍三百六十五字次載宋阮逸所撰李衡
公問對中六十七字採輯諸家註釋于衡衡風雲

諸陣皆繪為圖凡三卷又以孫子十三篇吳子六篇為握機緯孫子輯諸家註釋凡十三卷吳子惟用劉寅註凡二卷據王世貞序稱崑山明齋王氏與念菴羅公荆川唐公因倭變力研窮之而以其說盡授之魯川曹君云

萬表海寇議一卷

表見雜家類

臣等謹案嘉靖時海寇出沒為浙江患表推原禍

本以為奸民通番所致因為此議上之當事者攷
黃虞稷千頃堂書目載表海寇前後議一卷今已
佚其後議

尹耕塞語一卷

耕見史類

臣等謹案是書作於嘉靖庚戌皆言捍禦塞北諸
部之術

唐順之武編十卷

順之見史類

臣等謹案是書皆論用兵指要分前後二集前集六卷凡五十四門後集四卷凡九十七門體例畧如武經總要所錄前人舊說凡兵家言及唐宋名臣奏議無不摭集

何良臣陣記四卷 軍權四卷

良臣字惟聖會稽人官至薊鎮遊擊

臣等謹案陣記皆述練兵之法凡二十三類共六

十六篇軍權分十七目為一百七十四篇中間有云募選之事付諸有司欺昧朦朧上下交蔽又云將不識兵兵不識將卒然有事實無以支皆譏切時政之語盖有激而然也

鄭若曾江南經畧八卷

若曾見史類

臣等謹案是編為江南倭患而作兼及防禦土寇之事八卷之中每卷又各分上下多一時權宜之

許福建林潤為應天巡撫為評而刊之

卜大同備倭記二卷

大同字吉夫秀水人嘉靖進士由刑部主事累遷湖廣按察使僉事布政司叅議弭斷黃盜及平苗有功終福建巡海副使

臣等謹案是編乃大同官福建時講求備倭而作上卷分八篇下卷分二篇所言頗簡畧不足以資考核其書本名備倭圖記原本卷首尚有海圖此

本佚之

李材將將紀二十四卷

材字孟誠號見羅豐城人嘉靖進士官至僉都御史
巡撫鄖陽

臣等謹案是書大旨專重御將而首卷至九卷詳載漢唐宋七帝本紀之文殊無斷制十卷至二十一卷分別得失自虞夏迄南宋各綴數條亦未完備二十二卷至二十四卷援據經文旁及子史議

論尤迂考材於隆慶萬厯中屢殲倭寇非全不知
兵者而其書乃如是不可解也

葉夢熊運籌綱目八卷 決勝綱目十卷

夢熊字南北歸善人嘉靖進士官至南京工部尚書

臣等謹案是編乃夢熊總督三邊時所作運籌綱
目為綱八為目八十綱目之下俱有統論各採史
事以證之決勝綱目不立總綱目凡百條亦前綴
統論證以史事惟運籌綱目列史事而評之決勝

綱目先立說而以史事證之體為小異耳

郭光復倭情考畧一卷

光復武昌人官揚州府知府

臣等謹案嘉靖中東南屢中倭患而揚州當江海之衝被害尤甚光復因考次所聞為此編首總論次事畧及倭患倭術倭語倭好倭船倭刀載其情狀頗詳蓋以必得其情始可籌備禦之術也攷萬厯己丑進士別有一郭光復官至右副都御史遼東

巡撫乃順天固安人姓名適相同耳

戚繼光練兵實記九卷附雜集六卷 紀效新書十八卷

繼光字元敬世襲登州衛指揮僉事歷官薊州永平山海等處總兵官中軍都督府左都督進太子太保事迹具明史本傳

臣等謹案隆慶二年繼光以都督同知總理薊州昌平保定三鎮上疏請浙東殺手礮手各三千再

募西北壯士馬軍五枝步軍十枝專聽訓練乃輯其練兵實政曰練伍練膽氣練耳目練手足練營陣練將其附載雜集一儲將通論二將官到任三登壇口授四軍器制解五車步騎解其初到鎮有疏云教兵之法美觀則不實用實用則不美觀此書標曰實記徵實用也又其登壇口授云時惟庚午夏六月而請刊此書移文云擬定教練已經二年今將條約通集成帙則書成于隆慶五年辛未

矣紀效新書乃其官浙江參將練兵備倭時作首
為請訓練公移三篇次為或問其下十八篇曰東
伍曰操令曰陣令曰諭兵曰法禁曰比較曰行營
曰操練曰出征曰長兵曰牌笏曰短兵曰射法曰
拳經曰諸器曰旌旗曰守哨曰水兵各系以圖而
為之說皆閱歷有驗之言故曰紀效蓋繼光為將
精于訓練傳稱其在鎮十六年邊備修整薊門晏
然所著書談兵者皆遵用之則非泛摭輟畧常談

者此也

荏戎要畧一卷 武備新書十四卷 長子心鈴

無卷數

舊皆題戚繼光撰

臣等謹案荏戎要畧即練兵實記中之條約而武備新書與紀效新書大同小異仍冠以繼光紀效新書序具火器諸圖下題曰崇禎庚午仲秋羽南彭翔謹錄秘藏首有四明謝三賓訂正字或即三賓所撰蓋亦未可定中如雕木為虎豹使口中出

火以木為人藏礮于腹以火薰馬尾使之衝敵語
同兒戲必非繼光所作長子心鈴中有對壘號令
一條云南塘戚少保謂此為束陣第一法則亦非
繼光所自為矣

侯繼國兩浙兵制四卷

繼國號龍泉金山衛人世襲指揮使

臣等謹案是書第一卷首列全浙海圖附以說並
及沿革兵制第二卷載造戰船及火器軍器營操

甲操等圖第三卷載倭警始末第四卷為日本風土記於一時海防軍政最為詳悉惟日本記有錄無書疑裝葺者偶佚之耳

馮時寧古今將畧四卷

時寧字以一桐鄉人

盛萬年嶺西水陸兵紀二卷

萬年字恭伯秀水人萬厯進士官至江西按察使遷雲南布政使未上卒

臣等謹案萬年官廣西按察使時值倭入寇而電
白吳川二地東南濱海先受其害乃審度地勢布
置堡寨圖其兵弁制度及巡船款式而成是編
熊明遇劍草一卷

明遇字子良進賢人萬厯進士官至兵部尚書

臣等謹案是編摘取古今名將事蹟為論斷凡百
餘條蓋隨筆劄記之文不足當著述之目

嶺南客對一卷

舊題粵西舜山子撰不著姓名

臣等謹案是書以粵中猺獞嘯聚時出劫掠為居民行旅之害有司不能制故設為賈客問答以推究其得失所陳方畧雖未必切中事宜然亦可見當時疆吏措置之乖方矣

陳禹謨左氏兵畧三十二卷

禹謨見經類

臣等謹案是編取左傳所叙兵事以次排纂又雜

引子史證明之而斷以己意書生迂滯之見無異
鑿舟求劍也

董承詔類輯練兵諸書十八卷

承詔武進人萬厯進士天啟中官至浙江左布政使
臣等謹案是書編輯戚繼光談兵諸書刪其繁複
分為十六類冠以汪道昆繼光墓誌及承詔所作
小傳

顧斌火器圖一卷

斌字質夫晉江人萬厯舉人官廣東信宜縣知縣調
蜀府左長史

臣等謹案是編言軍中火攻之具甚詳然大抵斌
以意造之無濟于實用也如所製木人騎馬之類
頗近兒戲其火藥器具皆取天地星宿之數太極
兩儀之象亦殊迂濶前有火器原火攻要二篇多
書生紙上之談又末有風雨賦一篇謂熟此以占
天文百無一失是尤不必然之事也

張龍翼兵機類纂三十二卷

龍翼字羽明松江人

臣等謹案是書取古今言兵事者分為三十二類
每類中又各析子目所載明事尤詳第三十一卷
專言陣勢然陳法未載圖式殊為缺畧

廣名將譜十七卷

不著撰人名氏

臣等謹案是書卷首題黃道周註斷前有崇禎癸

末道周序詞意舛陋殆書肆所偽託其目錄後幅割裂亦非足本

曾益左畧一卷

益字予謙山陰人

臣等謹案是書專摘左傳所言兵事凡五十六篇各標以名目

談兵髓七卷

題西浙囂囂生撰不著名氏

欽定四庫全書

欽定四庫全書
卷一百八十三

臣等謹案是編襍綴成書初無秘授前有王洽序
洽字和仲臨邑人萬厯進士官至兵部尚書序作
于天啟甲子巡撫浙江時則囂囂生亦明末人矣
李盤金湯十二籌八卷

盤字小有揚州人

臣等謹案是書以十二籌為名而今存其八非完
本矣所言皆團練鄉勇捍禦土寇之計襍引古事
以證之然多不切合

欽定續文獻通考卷一百八十三

欽定四庫全書

欽定續文獻通考卷一百八十四

經籍考

子
醫家

宋史藝文志醫書類五百九部三千三百二十七卷

遼金元三史不立藝文志散見各紀傳中

明史藝文志醫書類六十八部一千六十四卷

宋

董汲旅舍備要方一卷

汲字及之東平人

夏德衛生十全方三卷

德字子益里貫無攷

臣等謹案德又有奇疾方一卷已見馬考

王執中鍼灸資生經七卷

執中字叔權永嘉人據趙綸序稱澧陽郡博士

陳自明婦人大全良方二十四卷

自明字良父臨川人官建府醫學教諭

嚴用和濟生方八卷

用和始末無攷

吳澄古今通變仁壽方序曰世之醫和不一惟有所傳授得之嘗試者多驗予最嘉嚴氏濟生方之藥不泛不繁用之輒有功蓋其方乃平日所嘗試而驗者也

楊士瀛仁齋直指二十六卷附傷寒類書活人總括七

卷

士瀛字登父號仁齋福州人

顧顥經二卷

不著撰人名氏

明堂灸經八卷

趙西方子撰

急救仙方六卷

不著撰人名氏

小兒衛生總微論方二十卷

不著撰人名氏

太醫局程文九卷

臣等謹案是編皆宋時考試醫學之制

金

劉完素素問元機原病式一卷 宣明方論十五卷

傷寒直格方三卷 傷寒標本心法類萃二卷

完素字守真河間人事迹具金史方技傳

本傳畧曰完素嘗遇異人陳生飲以酒大醉
及寤洞達醫術以庸醫多妄說乃注原病式二萬
餘言然好用涼劑以降心火益肝腎為主

張元素病機氣宜保命集三卷

元素字潔古易州人八歲試童子舉二十七試經義
進士不第乃去學醫洞徹其術治病不用古方曰運
氣不侔古今異軌古方新病不相能也

張從正儒門事親十五卷 傷寒心鏡一卷

從正字子和睢州考城人興定中召補太醫尋辭去
事迹具金史方技傳

李杲內外傷辨惑論三卷 脾胃論三卷 蘭室秘藏

六卷

杲字明之自號東垣老人真定人以納貲得官監濟
源稅幼好醫書捐千金從易人張元素學盡得其傳
當時以神醫目之所著書多傳于世

元

王好古醫壘元戎十二卷 此事難知二卷 湯液本

草三卷

好古字進之趙州人官本州教授其學出于李杲又
嘗受業于張元素

沙圖穆蘇瑞竹堂經驗方五卷

沙圖穆蘇字謙齋由御史出為建昌太守

危亦林世醫得效方二十卷

亦林字達齋南豐人官本州醫學教授其高祖遇仙

人董奉之二十五世孫傳其秘方因據以成書詳亦
林所自序

朱震亨格致餘論一卷 局方發揮一卷 金匱鉤元
三卷

震亨字彥修金華人受業于羅守悌得劉守真之傳
黃虞稷曰彥修從許文懿學所居在丹溪學者稱
丹溪先生宋景濂言其得考亭正傳為金華四賢
之一的嗣不徒以醫名也

滑壽難經本義二卷

壽字伯仁自號櫻寧生許州人寄居鄭縣從王居中
學受素問難經又參會張仲景劉守真李明之三家
而貫通之所治無不愈天台朱右撫其治疾神效者
數十字為作傳

王國端扁鵲神應鍼灸玉龍經

無卷數

國端婺源人

鄒鉉壽親養老新書四卷

鉉泰寧人

臣

等謹案是書第一卷即宋陳直之養老奉親書

已見馬考第二卷以下皆鉉所續增也

齊德之外科精義二卷

德之官醫學博士充御藥院外科太醫

戴啓宗脉訣刊誤二卷附錄二卷

啓宗字同父金陵人官龍興路儒學教授

王履醫經溯洄集一卷

履字安道崑山人學醫于朱丹溪盡得其術

錙洪傷寒心要一卷

洪都梁人始末無攷

何若愚添注指微賦一卷

若愚爵里無攷

艾元英如宜方二卷

元英東平人

王珪泰定養生主論十六卷

珪字均章自號中陽老人嘗從仕棄官歸隱虞山下
慕丹術尤邃于醫

類編南北經驗醫方大成十卷

題文江孫允賢撰

臣等謹案是書本名醫方集成後為坊賈增輯改

題此名

馬宗素傷寒醫鑒一卷

宗素始末無攷

臣

等謹案是書載河間六書皆采劉完素之說以
駁朱肱南陽活人書

明

周定王楠普濟方一百六十八卷

楠見農家類

周文采醫方選要十卷

文采洪武時人

戴原禮推求師意二卷

原禮朱震亨門人

熊宗立素問運氣圖括定局立成一卷

宗立見儒家類

徐用誠玉機微義五十卷

用誠字彥純會稽人

臣等謹案是書為用誠所撰而劉純續增之純字

宗原咸寧人

徐用宣小兒方十卷

用宣衢州人

徐謙仁端錄十八卷

謙字仲光嘉興人

臣等謹案是書專論治痘諸法

劉宇安老懷幼書四卷

宇字志大河南人成化進士官山西按察副使

薛鎧保嬰撮要八卷

鎧字良武吳縣人官太醫院醫士

何塘醫學管見一卷

塘字柏齋懷慶人弘治進士官南京右副都御史謚文定事迹具明史儒林傳

周宏衛生集四卷

宏里貫無攷

劉純雜病治例一卷 傷寒治例一卷

純見前其父摘泉翁受醫術于朱震亨純幼承家學又從其鄉馮度幹許宗魯邱克容游盡得其法

蔣儀藥鏡四卷

儀嘉興人正德進士

丁瓚素問鈔補正十二卷

瓚字點白鎮江人嘉靖進士官溫州知府

薛己薛氏醫案七十八卷

己字立齋吳縣人正德間以薦授御醫擢南京太醫院院判晉院使

汪機讀素問鈔九卷 鍼灸問對三卷 外科理例七

卷附方一卷 運氣易覽三卷 痘證理辨一卷附方

一卷

機字省之初門人精通醫術治病多奇中與吳縣張
頤杞縣李可大常熟繆希雍齊名

馬蔣素問註證發微九卷

蔣字時化會稽人

陳會神應經一卷

會字善同里貫無攷

臣等謹案是書前有宗派圖稱梓桑君席宏達九傳至席華叔十傳至席信卿十一傳至會會傳二十四人皆歷歷可據

陳楠石山醫案三卷

楠字惟宜初門人

江瓘名醫類案十二卷

瓘字民瑩歙縣諸生因病學醫子應宿世其業

孫一奎赤水元珠三十卷 醫旨緒餘二卷 孫氏醫

案五卷

一奎字文垣號東宿又號生生子休寧人醫案五卷
一奎輯其子泰來明來編

李時珍本草綱目五十二卷 奇經八脉考一卷 瀕

湖脉草一卷

時珍字東璧蘄州人官楚王府奉祠正事迹具明史

方技傳

王世相醫開一卷

世相字季鄰號清溪蒲州人官延川知縣

李濂醫史十卷

濂見史類

虞搏醫學正傳八卷

搏字天民自號花溪恒德老人義烏人其學以朱震
亨為宗而參以張機孫思邈李杲諸家之說

萬表萬氏家抄濟世良方六卷

表兒兵家類

臣等謹案是編乃表孫邦孚所增輯邦孚字汝永
官都督僉事

張時徹攝生衆妙方十一卷 急救良方二卷

時徹見史類

胡嗣廉編校靈秘十八方加減一卷

嗣廉濟南人

李湯卿心印紺珠經二卷

湯卿里貫無攷

吳正倫養生類要二卷

正倫字子敘自號春巖子歙縣人

高士志齋醫論二卷

士字志齋鄞縣人

陳仕賢經驗良方十一卷

仕賢字邦憲福清人嘉靖進士官副都御史

方廣丹溪心法附餘二十四卷

廣字約之號古齋休寧人

董炳避水集驗要方四卷

炳字文化河州人父相字玉鶴以醫得名柳應聘為
作玉鶴翁傳炳號懷鶴

臣

等謹案是編乃隆慶丙寅淮水決時炳避居樓
上所集故以避水為名

方有執傷寒論條辨八卷 本草鈔一卷 或問一卷
瘕書一卷

有執字中行歙縣人

王肯堂證治準繩

無卷
數

肯堂見經類

本傳畧曰肯堂好讀書尤精于醫所著準繩該括
精粹世競傳之

肯堂自序畧曰余銳志醫學採取古今方論參以
鄙見而命高生隱次第錄之先成雜病論與方各
八巨帙

繆希雍先醒齋廣筆記

神農本草經疏三十卷

希雍字仲醇常熟人附見明史方技傳李時珍傳中

臣

等謹案天啓中王紹徽作點將錄以東林諸人
分配水滸傳一百八人姓名稱希雍為神醫安道
全朱國禎湧幢小品記天啓辛酉國禎患膈病上下
如分兩截中痛甚不能支希雍用蘇子五錢飲之
即止亦可見其技之工矣

張介賓類經三十二卷 景岳全書六十四卷

介賓字會卿號景岳山陰人從名醫金英遊遂精醫道

葉秉敬序畧曰景岳治病一以內經為主但恐內
經資于自用而不能與天下共用乃著類經三十
二卷掣為三百九十條益以圖翼十一卷附翼四
卷殫精極微有功于軒岐大矣

馮時可上池雜說一卷

時可見經類

皇甫中傷寒指掌十四卷

中字雲洲仁和人

楊繼洲鍼灸大全十卷

繼洲平陽人萬厯中醫官

張三錫醫學六要十九卷

三錫字叔承應天人

李中梓刪補願生微論四卷 雷公炮製藥性解六卷

中梓字士材華亭人

劉應泰魯府秘方四卷

應泰官魯王府侍醫

欽定四庫全書

欽定續文獻通考
卷一百八十四

吳有性瘟疫論二卷補遺一卷

有性字又可震澤人

王化貞普門醫品四十八卷補遺一卷

化貞字肖乾諸城人萬厯進士官至僉都御史巡撫遼東事迹附見明史熊廷弼傳

吳勉學編河間六書二十七卷

勉學字肖愚歙縣人

黃承昊折肱漫錄六卷

承昊字履素號闇齋秀水人洪憲子萬厯進士官福
建按察使

董說運氣定論一卷

說見經類

高武鍼灸聚英四卷 鍼灸節要四卷

武里貫無攷

盧之頤本草乘雅半偈十卷 瘡癰論疏一卷

之頤字子繇錢塘人

欽定四庫全書

欽定續文獻通考

卷一百八十九

孫志宏簡明醫彙八卷

志宏字台石杭州人

金鏡秘論十二卷

題梁谿流寓李藥師撰

扁鵲指歸圖一卷

不著撰人名氏

類方馬經六卷

不著撰人名氏

司牧馬經痊驥通元論六卷

不著撰人名氏

喻仁喻傑同撰療馬集四卷附錄一卷

仁傑皆六安州馬醫

痊驥集二卷

不著撰人名氏

欽定續文獻通考卷一百八十四

欽定四庫全書

欽定續文獻通考卷一百八十五

經籍考

子
神仙家 釋家

臣等謹案馬端臨通考倣班固藝文志之例道家之外復列神仙所謂道家者漢時黃老並稱其大旨主乎清淨無為而已赤松子魏伯陽之徒則言煉養而不言服食盧生李少君言服食而不言煉

養張道陵冠謙之言符籙而不言煉養服食至杜
光庭之流又惟以經典科教為事蓋清淨無為之
指於是蕩焉無存矣棄本逐末言人人殊宋史藝
文志神仙家至為繁富遼金元三史亦間見旁出
明史則總道家神仙為一類今仍於道家之外別
立神仙家一門以符馬氏體例至釋氏向列於神
仙家之後今亦仍其序次云

宋史藝文志神仙家三百九十四部一千二百十六卷

遼金元三史不立藝文志散見各列傳中
明史藝文志神仙家二十三部九十九卷

宋

按節坐功法一卷

舊題陳搏撰

臣等謹案是書宋史藝文志不著錄蓋後人托名
也

王欽若翊聖保德傳三卷

欽若字定國新喻人淳化進士累官司空門下侍郎
同平章事

陳顯微周易參同契解三卷

顯微字宗道自號抱一子淮陽人嘉定端平間臨安
佑聖觀道士

王道古文龍虎經注疏三卷

道自署保義郎差充恩平郡王府指揮使

陳葆光三洞羣仙錄二十卷

葆光江陰道士

呂元素道門定制十一卷

元素西蜀道士是書前五卷元素所撰後六卷為其弟子呂大煥所補

楊智遠梅仙觀記一卷

智遠仙壇觀道士

俞琰周易參同契發揮三卷釋疑一卷 易外別傳一

卷 席上腐談二卷 元學正宗二卷 爐火監戒錄

一卷

琰見經類

疑仙傳三卷

題隱夫王簡撰諸書或引作王簡其人當是乾德間

寶間人

延壽第一紳言一卷

題愚谷老人撰不著名氏

金

王處一華山志一卷

處一始末無攷

元

陳致虛周易參同契分章注三卷 金丹大要十卷

致虛字觀吾自號上陽子

臣等謹案是書凡分三十五章其所疏解皆明白

顯暢

洪知常海瓊傳道集一卷

知常太平興國宮道士

邱處機攝生消息論一卷

處機登州棲霞道士自號長春子

李道純中和集三卷後集三卷

道純見占筮類

李鵬飛三元參贊延壽書五卷

鵬飛至元間人自稱九華澄心老人

余覺華修真捷徑九卷

覺華字榮甫建安人

陳采清微仙譜一卷附錄三卷

采建安道士

李道謙甘水仙源錄十卷

道謙元時道士

李道謙終南山祖庭仙真內傳二卷附朱象先終南山

說經臺歷代仙真碑記一卷

道謙見前象先亦元時道士

張雨元品錄五卷

雨字伯雨一字天雨別號貞居子錢塘人宋崇國公
九成後也年二十餘棄家為道士自稱句曲外史

戴起宗悟真篇注疏三卷附直指詳說一卷

起宗字同甫集慶路人延祐中常官紹興儒學教授

臣等謹案悟真篇為宋時張伯端所撰見馬考乾
道中翁葆光始析為三篇作注以申繹其義又附
以悟真直指詳說一篇元至順間起宗重加訂正

復為疏以發明之葆光字淵明號無名子象川人
徐仙翰藻集十四卷附贊靈集四卷

不著編輯名氏

臣等謹案是書所載皆唐末徐溫二子知證知諤
詩文稱降神於閩所作蓋附乩書也後附贊靈集
皆頌神之文

明

明太祖周顛仙傳一卷

顧仙建昌人事迹詳明史方技傳洪武二十六年太祖親製此傳命中書舍人詹希庾書之勒石廬山

寧王權神隱志二卷

權見史類

冷謙修齡要指一卷

謙字啓敬嘉興人洪武初官太常寺協律郎

蔣一彪古文參同契集解三卷

一彪自號復陽子餘姚人

郭本中步履常同編鶴林集

無卷數

本中履常皆道士

臣等謹案是編述其師周元真之靈異也元真字元初吳縣人以雨腸祈禱頗有應驗一時文士多以詩文投贈本中等因萃為是編

范應虛紫陽道院集二卷

應虛字志敏號棲雲杭州紫陽庵道士庵在吳山西南瑞石山上名流多有題咏應虛因裒輯為此編

霞外雜俎一卷

題鐵脚道人撰有教英序稱嘉靖丁酉泊舟空舸灘遇仙翁所授又有後跋稱鐵脚道人姓杜氏名巽才

魏人

朱載堉諸真元奧集成九卷

載堉明之宗室也

張位周易參同契註解三卷 悟真篇註解三卷

位見經類

李堪玉洞藏書四卷

堪號楚愚應城人嘗為諸生

李文燭黃白鏡一卷續黃白鏡一卷

文燭字晦卿自號夢覺道人丹徒人

朱約佑觀化集一卷

約佑號雲仙又號弄丸山人靖江王守謙之裔居於

廣西

趙樞生含元子十二卷

樞生字彥材太倉人

陳繼儒香案牘一卷

繼儒見史類

段元一化機彙參五卷

元一字思真號涵虛子又號永明道人自署北郡人

嘗官知縣

彭在份讀丹錄

無卷數

在份號從野逸人莆田人

白雲霽道藏目錄詳注四卷

雲霽字明之號在虛子上元人明季道士

廣胎息經二十二卷

不著撰人名氏

臣等謹案是書第二十一卷中引羅洪先陳獻章
語審為明代道流所作舊題宋人者妄也

至游子二卷

不著撰人名氏

羣仙珠玉集成四卷

不著編輯者名氏

道書類鈔

無卷數

不著編輯者名氏

二六功課一卷

題石室道人撰不著名氏

右神仙家

宋史藝文志釋家類二百二十二部九百四十九卷

遼金元三史不立藝文志散見各列傳中

明史藝文志釋家類一百一十五部六百四十五卷

宋

釋贊寧宋高僧傳三十卷

贊寧德清人杭州龍興寺僧吳越王錢鏐署為兩浙
僧統宋太宗嘗召對於滋福殿詔修高僧傳咸平中
加右階僧錄至道二年卒諡曰圓明大師

釋普濟五燈會元二十卷

普濟字大川靈隱寺僧

臣等謹案是書取釋道原景德傳燈錄駙馬都尉
李遵勗天聖廣燈錄釋維白建中靖國續錄及釋
道明聯燈會要釋正受嘉泰普燈錄撮其要旨彙
為一書故曰五燈會元

釋曉瑩羅湖野錄四卷

曉瑩字仲溫江西人能詩紹興時僧

釋志磐佛祖統紀五十四卷

志磐咸淳時人住四明東湖

釋元敬元復同撰武林西湖高僧事畧一卷

元敬西湖僧元復東嘉僧

元

釋覺岍釋氏稽古畧四卷

覺岍字實洲烏程人

釋念常佛祖通載二十二卷

念常號梅屋華亭人延祐中居嘉興大中祥符禪寺

神僧傳九卷

不著撰人名氏

明

陳實原大藏一覽十卷

實原寧德人

管志道覺迷蠡測三卷剝言一卷附錄一卷

志道見經類

夏樹芳法喜志三卷

樹芳見史類

周永年吳都法乘十二卷

永年見史類

釋可真長松茹退二卷

可真字達觀吳江人世稱紫柏大師

右釋家

欽定續文獻通考卷一百八十五

欽定四庫全書

欽定續文獻通考卷一百八十六

經籍考

子
類書上

臣等謹案舊唐書以前之志但有雜家而無類書其以類書別為一類者自唐書始晁公武謂齊梁間士大夫之俗喜徵事以為其學淺深之候類書之起當在此時今攷分類編纂之書實始于梁公

武之言良信謹依馬考例續輯如左其有抄錄他書別標名目以欺世者本書已載即不復為采入以避冗複云

宋史藝文志類書類三百七部一萬一千三百九十三卷

遼金元三史不立藝文志散見各紀傳中

明史藝文志類書類八十三部二萬七千一百八十六卷

宋

徐晉卿春秋經傳類對賦一卷

晉卿自序稱將仕郎秘書省校書郎里貫無攷

臣等謹案左傳文繁詞縟學者往往緯以儻語見
于宋藝文志者有崔昇等十餘家今並佚惟此賦
尚存凡一百五十韻

劉攽文選類林十八卷

攽字貢父與兄敞同舉慶厯進士歷官秘書少監出

知蔡州後終于中書舍人

臣等謹案是編取文選字句可供詞賦之用者分門標目共五百四十九類疑南宋時業詞科者所贗託也

呂祖謙詩律武庫前後集三十卷

祖謙見經類

臣等謹案是編分類標題大抵皆習見之事攷祖謙年譜及宋史藝文志皆不載蓋後人依託也

周守忠姬侍類偶二卷

守忠見雜家類

臣等謹案是書有朝奉大夫鄭域中序及守忠自序仿侍兒小名錄而以四言隔句用韻凡八十有八聯大抵以太平廣記為橐本漏畧不全

劉達可壁水羣英待問八十二卷

達可爵里無攷

臣等謹案是書前有淳祐乙巳建安陳子和序分

十六門大約為太學諸生答策而設

祝穆事文類聚前集六十卷後集五十卷續集二十八卷別集三十二卷

穆見史類

臣等謹案是書前集之首有淳祐丙午穆自序每集各分總部而附以子目條分件繫蓋沿歐陽詢藝文類聚徐堅初學記之體而畧變其例

劉應李翰墨大全一百二十五卷

應李字希泌建陽人咸淳進士主本邑簿

臣等謹案是書仿祝穆事文類聚之例分二十五

門

潘自牧記纂淵海一百卷

自牧字牧之金華人慶元進士知龍游縣事

王應麟玉海二百卷附辭學指南四卷 小學紺珠十卷

應麟見經類

欽定四庫全書

欽定續文獻通考

四

臣等謹案玉海有婺郡文學李垣序稱其多識廣聞淹貫博洽其為書精密淵深區分臚列靡所不載凡三百四卷總以二十二門析之為二百六十一類紺珠分門隸事與諸類書畧同惟以數為綱而以所統之目係于下則應麟之初例

林駟源流至論前集十卷後集十卷 黃履翁源流至論別集十卷

駟字德頌寧德人嘗以易冠鄉薦履翁字吉父爵里

無攷

章如愚山堂考索二百十二卷

如愚字俊卿婺州金華人慶元進士官國子博士知
貴州忤韓侂冑罷歸

臣等謹案是書分四集前集六十六卷後集六十
五卷續集五十六卷別集二十五卷共二百十二
卷事必有據言必有徵蓋仿杜氏通典之例

趙崇絢雞肋一卷

崇綯字元素簡王元份八世孫

方鳳野服考一卷

鳳一名景山字韶卿浦陽人宋末授容州文學國亡
不仕與謝翱吳思齊友善

臣等謹案是書撫取經史及說部所記野服之制

凡十六條

陳思小字錄一卷補錄六卷

思見農家類

臣等謹案思本理宗時書賈而此書卷首題為成忠郎緝熙殿國史實錄院秘書省搜訪不知何時所授其書乃仿陸龜蒙侍兒小名錄而稍加推廣楊伯崑六帖補二十卷

伯崑見經類

謝維新古今合璧事類備要前集六十九卷後集八十一卷續集五十六卷別集九十四卷外集六十六卷

維新字去咎建安人始末無攷自署膠庠進士蓋太

學生也

臣等謹案是書成于寶祐丁巳前集四十一門後集四十八門續集六門別集六門外集十六門共三百六十六卷一百一十七門

陳景沂全芳備祖五十八卷

景沂號肥遯天台人

臣等謹案是書前有寶祐元年韓境序言理宗時曾進於朝前集二十七卷所記皆花後集三十一

卷果卉草木農桑蔬藥凡七部每一物分事實祖

賦詠祖二類

詹光大羣書類句二十七卷

光大里貫無攷

臣等謹案是書凡分一千五百餘門前有蔡公亮

序

蕭元登古今詩材八卷

元登里貫無攷

臣等謹案是書取唐宋人詩分類編輯間有評註
皆剽竊諸家詩話殆又出詩律武庫之下

裴良甫十二先生詩宗集韻二十卷

良甫字師聖里貫無攷

臣等謹案是書見趙希弁讀書附志卷末稱淦川

宋季用校正十二先生者唐杜甫李白高適韓愈

柳宗元孟郊宋歐陽修曾鞏蘇軾王安石黃庭堅

陳師道也

徐伯益訓女蒙求一卷

伯益里貫無攷

臣等謹案是書倣李翰蒙求之例類集婦女事迹

括以四言韻語

朱景元經學隊伍三卷

景元里貫無攷

永嘉八面鋒十三卷

不著撰人名氏

臣等謹案是書卷末有都穆跋謂宋時嘗有刻本
稱永嘉先生相傳為陳傅良所撰云

羣書會元截江網三十卷

臣等謹案是書首題太學增修中有淳祐端平年
號蓋理宗時程試策論之本也前有元至正七年
東陽胡助序黃虞稷千頃堂書目遂誤以為助撰
凡分六十五門每門各附子目

翰苑新書前集七十卷後集上二十六卷後集下六卷

別集十二卷續集四十二卷

臣等謹案是書明陳文燭序第稱宋人不著名氏

他本題謝枋得撰者蓋坊賈所偽託也

四六膏馥七卷

舊題楊萬里撰

臣等謹案是書殊淺陋當是坊賈所託名

八詩六帖二十九卷

題王狀元撰不著其名

臣等謹案是書蓋坊賈所為之贗本摘李杜韓柳歐王蘇黃之詩而竊白居易之書名也

諸史偶論十卷

臣等謹案是書題柳州計宗道校宗道明弘治進士馬平人稱校則非其所著攷所引史事至五代而止審為宋人所作

萬卷菁華前集八十卷後集八十卷續集三十四卷
不著撰人名氏

三場通用引易活法九卷

不著撰人名字

臣等謹案是書蓋宋人取說易之詞分類排比以備場屋之用者也詞雖解易而體則全是類書

元

陰時夫韻府羣玉二十卷

時夫名幼遇以字行奉新人登宋寶祐九經科入元不仕

嚴毅增修詩學集成押韻淵海二十卷

毅字子仁建安人

臣等謹案是書卷首有順帝至元庚辰張復序體

例與韻府羣玉相近

高恥傳羣書鈎元十二卷

恥傳臨邛人

臣等謹案是書前有恥傳自序後附刪節通鑑一

卷題曰建置沿革又附陳騏文則一卷

祝明聲律發蒙五卷

明字文卿原書二卷見高儒百川書志後三卷潘瑛所續明劉節校補瑛不知何許人節見經類

胡炳文純正蒙求三卷

炳文見經類

富大用事文類聚新集三十六卷外集十五卷

大用字時可里貫無攷

祝淵事文類聚遺集十五卷

淵字宗禮里貫無攷

敏求機要十六卷

臣等謹案是書題月梧劉實撰鳳梧劉茂實註而

撰人則於劉字下實字上空一字疑是兄弟二人
本以實字連名舊本模糊傳寫者因於撰者之名
空一字也審書中所云當是宋遺民之入元者

古賦題十卷後集五卷

題天厯己巳古雍劉氏翠岩家塾識蓋元仁宗時所

刊

排韻增廣事類氏族大全十卷

不著撰人名氏

明

寧王權原始秘書十卷

權見史類

張九韶羣書拾唾十二卷

一本作羣
書備數

九韶見史類

臣等謹案是書仿王應麟小學紺珠之例以數記事分十二門前有李登序

楊信民姓源珠璣六卷

信民江陰人永樂中官日照縣知縣

袁均哲羣書纂類十二卷

均哲字庶明建昌人正統中官郴州知州

臣等謹案是編補張九韶羣書拾唾之闕加以註

釋凡十三門

包瑜韻府續編四十卷

瑜字希賢莆田人景泰庚午舉人官教諭

陳士元名疑四卷 姓滙四卷 姓觴十卷

士元見經類

臣等謹案名疑博採史傳及百家雜說凡古人名
字同異無不畢載雖間有訛誤然採摭繁富頗廣
見聞其姓滙姓觴兩書徵引殊多疏舛

何喬新策府羣玉三卷

喬新見經類

范弘典籍便覽八卷

弘字本遜婺源人

羣書集事淵海四十七卷

不著撰人名氏

臣等謹案明史藝文志據高儒百川書志以是書

為弘治時人編而李東陽懷麓堂集載有此書後
序稱國初人所輯內官左少監賈性捐貲鏤版是

此書本出明初百川書志誤據賈性重刻之本耳
書分十門五百七十二子目

王圻三才圖會一百六卷

圻見史類

臣等謹案是書輯諸書圖譜為一編凡十四類

朱文涉覽屬比四卷

文睢州人

臣等謹案是書末有自跋稱書成於正德乙巳考

正德紀年並無乙巳疑有訛誤其書每條以古人
二事相似者合而論之事皆習見議論亦極膚淺
劉定之文安策畧十卷

定之見經類

臣等謹案是書乃所擬場屋對策之作周榮作定
之年譜記此書成於宣德九年甲寅時定之年二
十六歲蓋其揣摩程試時也

楊慎謝華啟秀八卷 哲匠金桴五卷 均藻四卷

慎見經類

臣等謹案謝華啟秀哲匠金桴皆摘取古人新雋句一則裁為對偶一則分韻編錄均藻乃韻府羣玉之流攷許慎說文無韻字小學家以均字代之引鵲冠子五均為證慎書名蓋取諸此

可知編八卷

舊題楊慎撰

臣等謹案是書獨不見於升庵書目殆坊賈所依

託也

李黼王制考四卷

黼無錫人

臣等謹案是書採經史中有關制度者分類纂輯統為七十四篇前有自序

鄒泉經史格要二十八卷

泉見史類

臣等謹案是書以周禮六官為綱而分隸故實於

下大抵不出文獻通考大學衍義補諸書

羅頤物原一卷

頤字儀甫浙江山陰人

臣等謹案頤以宋高承事物紀原不能黜妄崇真故更訂此編分十八門共二百三十有九條

吳昭明五車霏玉三十四卷

昭明始末無攷

臣等謹案是編為汪道昆增訂道昆字伯玉歙縣

人嘉靖進士官兵部左侍郎明史附見王世貞傳

中

浦南金修辭指南二十卷

南金吳縣人嘉靖舉人官國子監助教

臣等謹案是編取爾雅左腴漢雋書叙指南四書

彙為一編分二十部四十類

施仁左粹類纂十二卷

仁字宏濟長洲人嘉靖舉人

黃省曾騷苑四卷

省曾見史類

臣等謹案是編摘楚辭字句以供剽竊之用乃劉攽文選雙字之類省曾原書三卷後一卷為張所敬補所敬字長輿自署曰清河從郡望也

張之象楚騷綺語六卷

之象見史類

游日章駢語雕龍四卷

日章字學綱莆田人嘉靖進士官至知府

臣等謹案是編以駢偶之詞類隸古事分十七門
晉安林世勤為之註釋

詩學事類二十四卷 韻學事類十二卷 韻學淵海
十二卷

題李攀龍撰攀龍字于麟歷城人嘉靖進士官河南
按察使事迹具明史文苑傳

臣等謹案三書皆龐雜舛陋必坊賈所偽託也

唐順之荆川稗編一百二十卷

順之見史類

臣等謹案是編仿章如愚山堂考索之例薈萃羣言區分類聚始之以六經終之以六官六經所不能盡則條次九流諸家之學術凡為類二十有七六官所不盡則賅之以史傳凡為類二十有五云

耿隨朝名物類考四卷

隨朝字敬菴滑縣人嘉靖進士官至山西按察司副

使

臣等謹案是書詮釋名物分十五門蓋爾雅之支流

異物彙苑五卷 彙苑詳註三十六卷

舊題王世貞撰世貞見史類

臣等謹案兩書皆剽剽諸書而成疑託名世貞者也

古今類腴十八卷

不著撰人名氏

臣等謹案是書前有吳一鵬序云是王麟洲作麟洲王世懋別號也見史類是書凡分十門一百二十一子目皆採掇成語以備舉業之用殆坊賈偽託必非出世懋手也

欽定續文獻通考卷一百八十六